

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaat pillugit inatsisissatut siunnersuummut missingiutip (Nuummi inissiisarfimmi kinguaassiuutitigut pinerluuteqarsimasut katsorsarneqarnissaannut inissanik pilersitsineq, ukiukitsunik pinngitsaaliilluni atoqateqarsimasoqartillugu pineqaatissiisutit sakkortusineqarnerat, inissiisarfinni imigassamik aanngajaarniutinillu atuinnginnissamat suliniutit, nikanarsaataasumik ajuallatsitaarujuussuarnermi eqqunngitsuliorfigineqartoq suliassanngortitsinngikkaluartoq unnerluussisussaataaasut pineqaatissiinertaqanngikkallartumik unnerluussisinnaaner, inatsisit unioqquutillugit aningaasatigut iluanaaruteqartarnerup pinerluutinngortinnera, iluanaarutitik arsaarinnissinnaanerup annertusinera, aamma nakkutigineqartussanngorluni eqqartuunneqarnermut atatillugu tarnip pissusiinik ilisimasalimmit katsorsarneqarnissamat pequneqarneq) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut (Ineqarnermut, Attaveqarnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Ineqarnermut, Attaveqarnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerpeqarnera

Inatsisartut aalajangiiffigisassaattut siunnersuummik matuminnga Inatsisinut Ataatsimiititaliap peqqissaartumik suliaqarsimaneranut Naalakkersuisut qujarusupput.

Siunnersuutip saqqummiunneqarneratut ataatsimiititaliaq ataatsimoorluni isumaqataammat Naalakkersuisut nuannaarutigaat.

Pinerluttulerinermi inatsimmut eqqartuussisarnermillu inatsimmut allannguutissanik arlalinnik siunnersuut imaqarpoq, taakkulu nunatsinni eqqartuussiveqarnikkut aaqqissuussinermi pitsaassutsimik qaffatsitsissapput, tamannalu Kalaallit Nunaanni qallunaat akisussaaffeqarfiisa ineriartortinneqarnissaat pillugit qallunaat naalakkersuisuinik pitsaalluurtumik suleqateqarnerup kingunerai.

Meeqqat kinguaassiuutitigut atonerlunneqartarnerat unitsinneqarluinnassasoq aamma suliani taamaattuni pineqaatissiisutit qaffanneqarnerisigut kiisalu kannguttaatsuliortutut pinerluuteqarsimasut kingumut innuttaasutut inooqataasinnaalerseqqinniarlugit katsorsarneqarnerisigut tamanna pissaaq. Taamaalilluta kannguttaatsuliortut pissutsiminnik allanngortinnissaannut pisariaqartinneqartumik ikiorneqarnissaat qulakkiissavarput, taamaalilluni innarliinerit peqqinnginniassammata.

Sammissap tunngavii aalajangersimasut pillugit Naalagaaffimmi oqartussaasunut oqaloqatiginninnissaq pillugu Inatsisinut Ataatsimiititaliap innersuussutai Naalakkersuisut tusaatissatut tiguaat oqaloqatiginninnerillu taakku inernerinik Inatsisinut Ataatsimiititaliaq ilisimatittarumaarlugu.

Taama oqaaseqarlutik siunnersuutip akuersissutigineqarnissaa Naalakkersuisut
innersuussutigaat.